

Kelecek Hebat, Takel Tepat

Dalam permainan pintar kelecek, Suhada berusaha untuk menghalang pemain lawan merampas bola dengan cara mengelecek. Suhada berjaya bergerak melepasi pemain lawan dan menghantar bola kepada rakan sepasukan yang berada di posisi yang sesuai. Kok Meng dan Alia pula mempamerkan kemahiran takel dengan mendekati dan merebut bola daripada kawalan pemain penyerang.



Takel - merebut bola daripada pemain lawan.
Sumber: Kamus Dewan, Edisi Keempat.



Rakam aksi rakan-rakan kamu mengelecek dan takel dalam permainan di atas. Muat naik rakaman tersebut ke blog kamu.

Nota Guru

Permainan pintar kelecek

Cara bermain permainan pintar kelecek.

1. Bahagikan murid kepada kumpulan kecil bertiga.
2. Pemain penyerang mengelecek bola melepasi pemain pertahanan untuk:
 - i. menjaringkan gol, atau
 - ii. menghantar bola kepada rakan yang mempunyai peluang untuk menjaringkan gol.
3. Pemain pertahanan mengadang tanpa menyentuh bola.
4. Jika berjaya menjaringkan gol, pasukan memperoleh 1 mata.
5. Tukar peranan jika gagal menjaringkan gol.
6. Variasikan permainan ini dengan menggunakan kaki dan alatan.